



Berita UniMAP

UniMAP ANJUR

BULAN KOMITMEN STRATEGI DAN KUALITI

KANGAR, 5 Julai 2010 - Universiti Malaysia Perlis (UniMAP) menganjurkan Bulan Komitmen Strategi Dan Kualiti Peringkat UniMAP sepanjang Julai lalu.

Penganjuran Bulan Komitmen Strategi Dan Kualiti adalah bertujuan untuk menggalakkan dan meningkatkan kesedaran tentang pengurusan strategi dan kualiti di peringkat universiti.



Y.Bhg. Naib Canselor UniMAP, Brig. Jen. Dato' Prof. Dr. Kamarudin Hussin semasa pelancaran Hari Komitmen Kualiti pada 2 Julai 2010 yang lalu, berhasrat menjadikan bulan Julai pada setiap tahun sebagai Bulan Komitmen Strategi dan Kualiti.

Antara program yang diadakan sepanjang Bulan Komitmen Strategi Dan Kualiti ini seperti Anugerah Strategi & Kualiti Naib Canselor (ASKNC), Bicara Strategi dan Kualiti, Lumba Teroka SQ, Taklimat Pengurusan Strategi dan Amalan 5s Terbaik, serta Hari SQ Bersama Pelanggan.

Majlis Penutup Bulan Komitmen Strategi Dan Kualiti Peringkat UniMAP telah disempurnakan oleh Timbalan Menteri Pengajian Tinggi, Yang Berhormat Datuk Saifuddin Abdullah.